

АҚПАРАТТЫҚ ХАБАРЛАМА

«МАФ-2021»

5-ші Мәскеу актуарлық форумы

27 және 28 мамырда «Кәсіби актуарийлер қауымдастығы» және «Актуарийлер гильдиясы қауымдастығы» қолдауымен жыл сайын өткізілетін 5-ші Мәскеу «МАФ-2021» актуарлық форумы өтті.

Аталған форумның мақсаты – Ресейдің Қаржы нарығын дамыту стратегиясы аясында актуарий мамандығы мен актуарийлік қызметті дамыту жолдарының бірыңғай түсінігін тұжырымдау.

Биылғы жылы форумға Ресей Банкінің, Ресей Қаржы министрлігінің, Ресей зейнетақы қорының, мемлекеттік емес зейнетақы қорлары Ұлттық қауымдастығының, Бүкілресейлік сақтандырушылар одағының, Халықаралық актуарийлер қауымдастығының, бейінді қоғамдық ұйымдардың, ресейлік және халықаралық сақтандыру және консалтингтік компаниялардың басшыларымен қатар Қазақстаннан шақырылған спикер ретінде онлайн-форматта «БЖЗҚ» АҚ Басқарма Төрағасы Ж. Б. Құрманов та қатысты.

Қазақстандық спикер міндетті зейнетақылық сақтандырудың мемлекеттік тарифтік жүйесінің актуарлық негіздемелеріне арналған форум секциясы шеңберінде: «Қазақстанның жинақтаушы зейнетақы жүйесіндегі зейнетақы жарналары мен төлемдері: ағымдағы жағдайы және даму келешегі» атты баяндамасын оқып, әдіснама және тәжірибемен бөлісті.

Өз сөзінде ол Қазақстандағы зейнетақымен қамсыздандыру құрылымы, жаңадан қабылданған заңнамалық өзгерістер және ағымдағы көрсеткіштер туралы айтып берді. Сондай-ақ, жүргізілген ұзақ мерзімді актуарлық зерттеулерді ескере отырып, еліміздің зейнетақы жүйесін дамытудың одан арғы жоспарлары жария етілді, оның ішінде: ең төменгі кепілдіктер жүйесін және зейнетақы төлемдерін есептеу әдіснамасын жетілдіру, жұмыс берушінің міндетті зейнетақы жарналарын енгізу, зейнетақы аннуитеттері мен ерікті жинақтарды дамыту және т. б.

Баяндама сарапшылар мен басқа қатысушылардың, соның ішінде онлайн аудиторияның қызығушылығын тудырды. Бұған дейін, ағымдағы жылдың 30 наурызында «БЖЗҚ» АҚ Басқарма Төрағасы Жанат Құрманов Еуразиялық аймақ елдері үшін Халықаралық әлеуметтік қамсыздандыру қауымдастығының (ХӘҚҚ) вебинары аясында «Экономикалық ауытқу жағдайында жарналардың тарифтік жүйесіне актуарлық негіздемелер» атты тақырыпта онлайн-режимде баяндама жасаған болатын.

Форумның жаңа онлайн-форматтағы трансляциясы толыққанды пікір алмасуға мүмкіндік берді, соның арқасында әрбір қатысушы спикерлерге желіде сұрақтар қойып, дауыстарын беріп отырды.

Форум аясында панельдік пікірталастар, тәжірибелік іс-әрекеттер өткізілді, Қаржылық есептіліктің халықаралық стандартының жаңа стандарттарын (КЕХС 17) қолдану бойынша мамандарға ұсыныстар мен тағы басқа көптеген кеңестер берілді.

БЖЗҚ 2013 жылғы 22 тамызда «ГНПФ» ЖЗҚ» АҚ негізінде құрылды. БЖЗҚ құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗҚ зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. 2016 жылғы 1 қаңтардан бастап зейнетақы активтерін басқару тиімділігін арттыру бойынша ұсыныстар жасау қызметі Қазақстан Республикасының Президенті басшылық ететін Ұлттық қорды басқару кеңесіне берілді. Зейнетақы заңнамасына сәйкес БЖЗҚ міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, зейнетақы төлемдерін, зейнетақы жинақтары мен төлемдерін жеке есепке алуды жүзеге асырады, салымшыға (алушыға) зейнетақы жинақтарының жай-күйі туралы ақпарат береді (толығырақ www.enpf.kz сайтында).